



Inatsisartunut ilaasortaq Knud Fleicher, Kattusseqatigiit Partiiat

Inuussutissarsiutinik siuarsaanermut aaqqissuussat pillugit apeqquteqaammut nr. 114-imut akissuteqaat.

14. maj 2012
Sagsnr. 2012-065886
Dok. Nr. 901540

Inuussutissarsiutinik siuarsaanermut aaqqissuussat atuuttut annertussusaat taakkualu atornerarnerat pillugit Inatsisartut suleriaasianni § 37 imm. 1 malillugu Naalakkersuisunut apeqquteqarputit.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

1.

Inuussutissarsiutingalungu suliffeqarfiuteqartut aallartitsiniarnermut ukiumut qanoq annertutigisumik pisortaniit taperneqartarpat?

2012-imut aningaasanut inatsimmi inuussutissarsiutinik siuarsaanermut aaqqissuussat pingasut assigiinngitsut inatsisitigut tunngavissinneqarput.

Tunisassiassanik ineriartortitsineq.

Tunisassiassanik ineriartortitsinerneq aningaasaliissutit, qinnuteqartunut missingersuutit akuerisaasut naapertorlugit ineriartortitsinerneq suliamut aalajangersimasumut aningaasartuutit 50 %-ii tikillugit tapiiffiqineqarnissamut periarfissiissutaapput. Aaqqissuussamut tassunga 2.335.000 koruunit immikkoortinneqarput. Aaqqissuussaq kommunit inuussutissarsiortunik siunnersuisarfii aamma Greenland Business A/S aqutugalugit allaffissornikkut aqunneqarpoq.

Qiortartakkat.

Qiortartakkanut aaqqissuussami siunertaavoq suliffeqarfiit aallarlerlaat amerlanerusut aallarteqqaarnermi piffissap siulliup atoruminaassinnaasartup anigorluarnissaanik qularnaarinissaq. Qiortartagaq eqqartuussissuserisunit aamma kukkunersiuisartunit ikiorneqarnissamut, naatsorsuutitut allattuisarneq pillugu siunnersorneqarnissamut, aqutsisutut ineriartornissamut, inuussutissarsiornermut attuumassuteqartunik qarasaasiamut atornerarnermi siunnersorneqarnissamut il.il. tapertaasumik siunnersorneqarnermut atornerarsinnaavoq. Aaqqissuussamut tassunga 1.200.000 koruunit immikkoortinneqarput. Aaqqissuussaq kommunit inuussutissarsiortunik siunnersuisarfii aamma Greenland Business A/S aqutugalugit allaffissornikkut aqunneqarpoq.

NUKIIT.

Aningaasaliissutitut taakkununga siunertaavoq nunap immikkoortuini inuussutissarsiutinik ineriartortitsinissaq aamma ingerlatanik najukkamiititsinissaq aammalu siunnerfiit ataatsimoorussat suleqatigiissutigilernissaannik/attaveqaaqatigiiffigilernissaannik siunnerfeqarluni pilersinneqarlutik. Aaqqissuussamut tassunga 900.000 koruunit immikkoortinneqarput.

Aaqqissuussaq kommunit inuussutissarsiortunik siunnersuisarfii aamma Greenland Business A/S aqutugalugit allaffissornikkut aqunneqarpoq.

2.

Procentinngorlugu qanoq annertutigisumik inuussutissarsiutigalugu suliffeqarfiutillit nutarterinissamat pisortatigut taperneqarsinnaapat?

Matuma siuliani taaneqartut naapertorlugit inuussutissarsiutinik siuarsaanermut aaqqissuussat aningaasaleeqataaffigineqartussaasimappata, annerpaamik 50%-it tikillugit tapiissuteqartoqartarpoq.


Oqaatigineqassaaq aaqqissuussat matuma siuliani taaneqartut arlaannaalluunniit toqqaannartumik iluarsaassinermut aningaasartuutitut tunngatinneqanngimmata.

3.

Tassani takussutissat inuussutissarsiutip suunera naapertorlugu immikkoortitaarlugit takussutissiarineqarnissaat kissaatinginarpoq, aammalu taxa-tilinnut tapiisarneq immikkut nassuiaatigeqqunarpoq.

Taxaatilinnut tapiissuteqartarnermut tunngasunik immikkut maleruagassaqanngilaq. Aaqqissuussat takornariartitsisarnermik inuussutissarsiuteqarnerup aamma nunami inuussutissarsiutit siuarsarneqarnissaat pillugit Inatsisartut inatsisaat nr. 14, 12. november 2001-imeersumi § 2 naapertorlugu tamanut tunngasuupput aammalu takornariartitsisarnermik inuussutissarsiuteqartunut aamma nunami inuussutissarsiuteqartunut tunngatinneqarlutik.

Inussiarnersumik inuulluagqusillunga



Ove Karl Berthelsen